

Evening Dogri (NSD) Bulletin 12-07-2025

आकाशवाणी

- प्रधानमंत्री नरेन्द्र मोदी होर 16में रोजगार मेले च 51 जहार नियुक्ति पत्र बंडे, उनें आखेआ रोजगार मेला विकसित भारत बनाने आस्तै नोजवाने दे सशक्तिकरण दे सरकार दे धेइयै गी उजागर करदा ऐ।
- केन्द्री गृहमंत्री अमित शाह होरे आखेआ जे दक्खन राज्येद । विकास प्रधानमंत्री मोदी हुंदे विकसित भारत दे धेइयै गी पूरा करने आस्तै महत्वपूर्ण ऐ।
- एयरक्राफ्ट एक्सीडेंट इंटेरोगेशन ब्यूरो एएआईए दी शुरूआती रिपोर्ट च अहमदाबाद जहाज हादसे दी वजह फ्यूल कट ऑफ होने करी इंजन दा बंद होनास दस्सेआ गोआं
- रूस ते यूक्रेन पर 6 सौ ड्रोन ते 26 मिसाइलां दागियां राष्ट्रपति होरे हमले दी निंदेया कीती।
- मौसम विभाग ने देश दे मध्यीय ते कन्नै लगदे उत्तर पच्छमकी हिस्सें च अगले 4-5 दिनें आस्तै खरी मती बरखा पौने दी मेद ऐ।
- विम्बल्डन टेनिस च इगा स्वेयाटेक दा मकाबला अमांडा आनिसिमोवा कन्ने महिलाएं दे वर्ग खताब आस्तै अज्ज रातीं लंदन च सेंटर कोर्ट च होग।

<><><><><><>

PM-Rozgar Mela

प्रधानमंत्री नरेन्द्र मोदी होरे अज्ज जोर देइयै आखेआ जे रोजगार मेला नोजवाने गी सशक्त बनाने ते उनेंगी विकसित भारत दे निर्माण च इक जरिया बनाने दी सरकार दी वचनबद्धता गी दर्शादा ऐ। उनें आखेआ जे दुनिया समझदी ऐ जे भारत च दो असीम शक्तियां न-लोकतंत्र ते जनसंख्यकी। प्रधानमंत्री होरे बक्ख-बक्ख सरकारी मैहकमे च वीडियो कांफ्रेंसिंग दे राएं

नमें भर्त्थी मेदवारें गी 51 ज्हार कोला मते नियुक्ति पत्र बंडने दे परैत अपने संबोधन दे दरान एह गल्ल आक्खी। प्रधानमंत्री होरें आखेआ जे सरकार दी रोजगार मेले दी पैहल दे राएं लक्खें नोजवानें पैहले गै स्थाई सरकारी नौकरियां हासल करी लैतियां न ते हुन राष्ट्र निर्माण च योगदान देआ दे न।

<><><><><><>

Rozgar Mela Jammu

16मां रोजगार मेला जम्मू कश्मीर सनें पूरे देश च 47एं थाहरें पर आयोजित कीता गेआ। जम्मू च उत्तर रेलवे दे जम्मू डिवीजन आस्सेआ आयोजित कन्वेंशन सेंटर च रोजगार मेला होआ, जित्थें नमें नियुक्त 237 नोजवानें गी रेलवे, डाक सेवा, सीमा सुरक्षा बल यानि बीएसएफ ते सेहत सपें केन्द्र सरकार दे बक्ख-बक्ख मैहकमे आस्तै नियुक्ति पत्र हासल होए। केन्द्र राज्य मंत्री जितिन प्रसाद ते सांसद जुगल किशोर शर्मा कार्यक्रम च मजूद हे।

<><><><><><>

HM

केन्द्री गृहमंत्री अमित शाह होरें आखेआ ऐ जे प्रधानमंत्री नरेन्द्र मोदी हुंदा विकसित भारत दा धेइया दक्खन राज्यें दे विकास जरियै गै सच होई सकदा ऐ। तिरुवन्यापुरम दे पुथारीकाडम मैदान च बीजेपी दे वार्ड स्तरी नेतृत्व कन्नै बैठक दी अध्यक्षता करदे होई शाह होरें आखेआ जे विकसित केरलम विकसित भारत दा महत्वपूर्ण हिस्सा ऐ। उनें जोर देइयै आखेआ जे भ्रष्टाचार दे बगैर प्रशासन प्रधानमंत्री हुंदा धेइया ऐ जेहड़ा गै केरल दे विकास आस्तै बी बड़ा गै जरूरी ऐ। एहदे शा पैहले शाह होरें तिरुवंथपुरम च बीजेपी चे नेह राज्य दे मुख्यालय दा उद्घाटन कीता।

<><><><><><>

FM

केन्द्री खजाना मंत्री निर्मला सीतारमण होरें मेघालय च 1ज्हार 87 करोड़ रपे चे केई विकास परियोजनाएं दा बी नीह पत्थर रखेआ ते किश दा उद्घाटन कीता। शिलांग च इंटरनेशनल सेंटर फॉर परफार्मिंग आर्ट्स एंड कल्चरल एनएआरआईटीआई च इक लोक कार्यक्रम गी संबोधत करदे होई मंत्री होरें मुख्मंत्री कोनराड के.सागमा हुंदा नेतृत्व च मेघालय च होए दे विकास दी प्रशंसा कीती। मंत्री होरें आखेआ जे पैसा निवेश करने आस्तै राज्यें गी खास

माली मदाद हेठ जारी 5 जहार 4 सौ करोड़ रुपे मेघालय च पूरी चाल्ली इस्तेमाल कीते गे।
उनें दस्सेआ जे किश राज्य जारी पैसे दा इस्तेमाल करने आस्तै जद्दोजहद करा'रदे न
जदके मेघालय नै अपना हिस्सा बडे शैल ढंगै कन्ने इस्तेमाल च लाई लैता ऐ।

<><><><><><>

AAIB

अहमदाबाद च होए दे एयर इंडिया जहाज हादसे गी लेइयै एयरक्राफ्ट एक्सीडेंट इन्वेस्टिगेशन
ब्यूरो—एएआईबी ने अपनी 15 बरके दी शुरूआती रिपोर्ट जारी कीती ऐ। इस रिपोर्ट दे
मताबक तहाज हादसे दी वजह तेल कट ऑफ होने कन्ने दवै इंजन उदा बंद होना दस्सेआ
जंदा ऐ। रिपोर्ट च आखेआ गेआ ऐ जे टेक ऑफ दे तुरत मगरा 1—1 करियै दवै फयूल स्विच
बंद होई गे जेहदे कन्ने दौनें इंजन बंद होई गे। जांच रिपोर्ट दे मताबक कॉकपिट वापस
करकार्डर पर इक पायलट गी दुए कोला एह पुच्छदे सुनेआ जाई सकदा ऐ। रिपोर्ट च
दससेआ गेआ जे फ्लाइट शा पैहले दवै पायलट काफी आराम कीता हा।

<><><><><><>

Russia Ukraine

रूस ने यूक्रेन उप्पर अज्ज इस महीने चौथी बारी बड्डा बहाइ हमला कीता जेहदे च 6 सौ
ड्रोन ते 26 मिसाइलां इस्तेमाल कीतियां गेइयां। इस हमले ने पूरी देश दे शहरें च पच्छमी
क्षेत्र लविन, लुत्सक ते चोनिवस्ति च खासा नुक्सान होआ। चेरनिचस्ति च 2 लोक मारे गे ते
20 जख्मी होए। यूक्रेन दे राष्ट्रपति बोलोदेमायर जेलंस्की होरें हमले दी निंदा कीती ऐ।
यूक्रेन दी वायु सेना ते 25 मिसाइलां ते 3 सौ 19 ड्रानें गी नश्ट कीता। तोआई रूस दे रक्षा
मंत्रालय नै आखेआ जे कल 155 यूक्रेनी ड्रानें गी नशाना बनाया गेआ हा।

<><><><><><>

MEA

वैश्विक शांति ते सुरक्षा आस्तै अपने णेइयै गी मजबूती कन्ने उजागर करदे होई भारत नै
आतंकवाद दी रोकथाम आस्तै 26 देशें दा सैहयोग जायंट वर्किंग ग्रुप्स ऑन काउंटर टैरीसम
यानि आतंकवाद दे मकाबले आस्तै संयुक्त कार्यकारी समूह जरियै आपसी सैहयोग गी मजबूत

कीता ऐ। विदेशी मामलें सरबंधी मंत्रालय दी सलाना रिपोर्ट 2024 च दस्सेआ गेआ ऐ जे इनें रणनीतिक गल्लबात कन्ने आतंकवाद दे बघदे खतरे गी रोकने आस्तै अंतराश्ट्री स्तर पर सांझेदारी जरूरी ऐ। रिपोर्ट च लोह पाई ऐ जे भारत क्षेत्रीय ते बहुउद्देशीय इकाइए कन्ने जुड़ाऱदा ऐ। जिंदे च बिमस्टिक, जी-20, एसियन क्षेत्रीय फोरम, ब्रिक्स, एफएटीएफ ते क्वाड फोरम बगैरा शामिल न। भारत नै शंघाई सैह्योग संगठन परिषद दे क्षेत्रीय आतंकवाद रोधी ढांचे दे कनूनी विशेषज्ञें दे समूह दी बैठक च शिरकत कीती जेहड़ी बिजिंग चीन च होई ही।

<><><><><><>

Chattisgarh

छत्तीसगढ़ च 9 महिलाएं सनें 23 माओवादिएं सुकमा जिले च पुलस अगगे अज्ज आत्मसंमर्पण कीता। डीएसपी किरण चवन होरें आखेआ जे इनें माओवादिएं उप्पर कुल 1 करोड़ 18 लक्ख रपे दा नकद इनाम घोषत कीता गेआ हा। दनें माओवादिएं गी प्रसेत्साहन राशि दे रूपै च 50-50 ज्हार रपे दित्ते जांगन ते राज्य सरकार दी पूर्नवास योतना तैह्त सरकार दी सहूलतां बी दित्तियां जांगन।

<><><><><><>

AIIA

ऑल इंडिया इंस्टीच्यूट ऑफ आर्युवेद एआईआईए नमीं दिल्ली कल थमां शतयाकोन 2025 त्रै ध्याड़े दे राश्ट्री सेमीनार दा सरिस्ता करने जा'रदा ऐ। एह आयोजन सुश्रुता जयंति दे मौका कीता जा'रदा ऐ। हर ब'रे 15 जुलाई गी सुश्रुता जयंति आचार्य सुश्रुता उंदे चेते च मनाई जंदी ऐ, जिनेंगी शल्य चिकित्सा दे जनक आखेआ जंदा ऐ। इस सेमीनार च आम सर्जरी, एनोरेक्टल सर्जरी, यूरो सर्जरी दी प्रक्रिया सारे सामने दस्सी जाग। पैहले दिन 10 एंडरोस्कोपिक लैप्रोस्कोप आपरेशन करियै दस्से जांगन। दुए दिन 16 एनारेक्टल आपरेशन करियै सर्जरी दी प्रक्रिया दस्सी जाग। जेहदे कन्ने सरबंधत लोकें गी दिक्खियै सिखने दा मौका थ्होग। खीरले दिन 2 सौ मुहजवानी ते पोस्टर राएं प्रस्तुतियां होंगन।

<><><><><><>

SC

भारत दे मुख्ख न्यायधीश भूषण रामाकृष्णागवई होरें आखेआ ऐ जे भारती कनून प्रणाली अभूत चुनौतिएं दा सामना करा'रदी ऐ ते इनें गी खत्म करने दी सख्त जरूरत ऐ। हैदराबाद

च नलसार विश्वविद्यालय ऑफ लॉ दे 22में सलाना दीक्षांत समारोह गी संबोधत करदे होई मुख् न्यायधीश गवई होरें आखेआ जे बावजूद एहदे जे सारी कनूनी बवस्था गी मती सख्त जरूरत ऐ मिंगी पूरा विश्वास ऐ जे मेरे साथी नागरिक चुनौतिएं दा मकाबला करगंन।

<><><><><><>

IMD

भारती मौसम विभाग नै देश दे मध्य ते कन्नै लगदे उत्तर पच्छम हिस्सें च अगजे 4–5 दिनें च मती थमां खरी मती बरखा पौने दी मेद जताई ऐ। तोआई हिमाचल प्रदेश च मानसून ने परतियै जोर फही लैता ऐ। मौसम विभाग ने राज्य दे किश हिस्सें च 18 जुलाई तोड़ी खरी मती बरखा पौने दी चेतावनी कन्नै यैलो अलर्ट जारी कीता ऐ।

<><><><><><>

Wimbledon Tennis

विम्बलडन टेनिस च 5 बारी दी ग्रैंड स्लैम चैंपियन ईगा स्विघाटेक अज्ज रातीं लंदन दे सेंटर कोर्ट च महिला वर्ग खताब लेई 13मी अमांडा दी अनि सिमोवा कन्नै मकाबला करगंन। मद्रें दे वर्ग मकाबले च विश्व दे नंबर 1 खडारी जैनिक सिनर होरें जंदी रातीं सैमीफाइनल च 7 बारी दे चैंपियन नोवाक जोकोविच गी 6–3, 6–3, 6–4 कन्ने हराइयै खताबी मकाबले च अपनी थाहर पक्की करी लेई। उंदा मकाबला कल स्पेन दे 2 नंबर दे खडारी कार्लोस अल्काराज कन्ने होग।

<><><><><><>

IIM-JOKA

कोलकाता दे इंडियन इंस्टीच्यूट ऑफ मैनेजमेंट आईआईएम जोका दे अंदर बलात्कार मामले च दोषी दी पुलस कस्टिडी कोर्ट नै 19 जुलाई तोड़ी कीती ऐ। कल कैंपस दे अंदर इक छात्र नै कथित तौर पर इक महिला दा बलात्कार कीता। शकैत दर्ज होने पर पुलस नै छात्र गी गिरफ्तार करी लैता ऐ। छात्र कर्नाटक दा रौहने आला ऐ। तोआई शिक्षा ते पुर्वोत्तर क्षेत्र दे पिकास सरबंधी मंत्री डॉ. सुकान्ता मजुमदार होरें आईआईएम जोका दे डायरेक्टर थमां मामले दी रिपोर्ट मंगी ऐ।

<><><><><><>

Jitin Prasad Review

केन्द्री बपार ते बंज मंत्री जितिन प्रसाद होरें जम्मू दे अपने दौरे दरान जम्मू कश्मीर च विदेशी बपार गतिविधिएं दे बक्ख-बक्ख पैह्लुएं दा जायजा लैता। इस मौके पर उनें बशेष रूपै कन्ने निर्यात गी बढ़ावा देने पर ध्यान केन्द्रित कीता। प्रसाद होरें संसाद जुगल किशोर शर्मा कन्ने मिलियै आई.टी. मैहकमे दे कम्मकाजें बारे बी जायजा लैता। बैठक दरान जितिन प्रसाद होरें नोजवानें आस्तै माली प्रोत्साहने दी पंछान करने दी गल्ल बी कीती ते आखेआ जे एहदा मकसद अपना कारोबार शुरू करने दी इच्छेआ रखने आलें दी मदद करना ऐ। मगरा मीडिया गी संबोधत करदे होई केन्द्री मंत्री होरें आखेआ जे रोजगार दे मौके बधाने ते विनिर्माण गी बढ़ावा देने आस्तै लगातार जतन कीते जा'रदे न।

<><><><><><><><>

LG Army School

उपराज्यपाल मनोज सिन्हा होरें आखेआ जे जम्मू कश्मीर च शिक्षा, महिला सशक्तिकरण ते अर्थबवस्था दे खेत्तरे च महत्वपूर्ण बदलाव होआ दा ऐ। कश्मीर खित्ते दे बालापुर शोपियां च आर्मी गुडविल स्कूल दे अपने दौरे दे दरान, उपराज्यपाल होरें मानसिकता बदलने ते झूड़ी कहानियएं कन्ने गल्ल नजरिया पेश करने दी कोशशें गी नकारने दे महत्व पर जोर दित्ता। इस मौके पर उनें गुणवत्ता आली शिक्षा ते मेद दा केन्द्र बनने आस्तै आर्मी गुडविल स्कूल दी तरीफ कीती। उपराज्यपाल होरें राष्ट्री आजीविका मिशन, उम्मीद ते तेजस्विनी जनेही पैहलें दे राएं महिलाएं दी अगुवाई आले स्वयं सहायता समूहें दी बधदी भागीदारी गी बी सराह्या। उनें आखेआ जे महिला हुन रोजगार देने आलिए दे रूपै च उभरा करदियां न। बागवानी, सिलाई ते राई-बाई बपार जनेह् खेत्तरें च उत्कृष्ट प्रदर्शन करा'रदियां न।

<><><><><><><><>